

Nuuk, februaarip 7-at 2010

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

Juumuut atorfissaqartinneqaqisut piginnginnerisa kingunerisaanik ernisussat illoqarfimmut allamut angallanneqartarput nunattalu aningaasaqarneranit akilersorneqartartut akisullunilu, taamaattoq peqqissutsimut naalakkersuisoq oqarpoq juumuut amerlanerusut atorfintsinneqarsinnaaneri akissaqartinneqanngitsut. Naalakkersuisunut apeqqutigissuara juumuut amerlanerusut atorfintsinneqarnissaanut akissaqannginnerarneq suna tunngavigalugu naalakkersuisunit oqaatigineqarnerisooq aammalu naalakkersuisut pingaarnersiunerminni aqqissutissamik ujartuisimannginnerisut?
(Inatsisartuni ilaasortaqaq Aleqa Hammond, Siumut)

Tunngavilersuut:

Juumuunngortut nuannaarutissaapput. Ernissussat ilaqquttatik qimannagit najugaqarfigisaminni ernisinnaanerat ilaqqutariittut aallartilluarneruvoq pingaarutilik.

Peqqissutsimut naalakkersuisup oqaatigaa illoqarfinni tamani juumooqartoqarsinnaanera akissaqartinneqanngitsooq. Naalakkersuisut pingaarnersiunerminni aningaasassaqaannginneq pingaarnertut tunngavilersuutigaat? Ilanngullugu paaserusuppara ernisussat najugaqarfigisaminni ernisinnaanerat siullertut pingaarnertullu isigineqanngila?

Erseqqissaatigissangakku ukiuni amerlasuuni ernisussat najugaqarfigisartik qimallugu erniartortarnerat aamma nunatta karsianut annertuumik oqimaaqutaammat, kisiannili isumaqarlunga aqqiineq utaqqiisaaginnaasoq ilinniarsimasunik pissaqalernermit atorunnaarsinneqassasoq, paasivaralu Naalakkersuisut taamatut isumaqanngitsut, tunngavilersuutaallu paaserusullugu apeqquteqarpunga.

Eqqaasitsissutigissangakku ullut qulit suliffiusut qaangiutsinnagit apeqqutiga akineqarsimassasoq.

Ikinngutinnersumik inuulluaqqusillunga
Aleqa Hammond, Siumut